



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. || Lv dovici || De Ponte Vallis-|| Oletani, È Societate ||
Jesv Theologi.|| De || Christiani hominis || Perfectione In
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipué desumpta

Puente, Luis de la

Coloniæ Agrippinæ, 1626

§. 2.

[urn:nbn:de:hbz:466:1-45802](https://nbn-resolving.org/urn:nbn:de:hbz:466:1-45802)

rum ac passionum mearum vincula. Cùm igitur generosam ad eò Spiritus libertatem mihi dederis, vt auxilio tuæ gratiæ expedirem me à vinculis diuitiarum, voluptatum sensuum, & honorum huius mundi: volo ego obsequio tuo amplius me alligare vinculis trium votorum, eis que palam profiteri me triplici nomine tuum esse seruum. Seruum voto paupertatis; & adhuc magis seruum voto castitatis. & filium ancillæ tuæ voto obedientiæ: quia ex mea hereditate mihi prouenit, vt seruus & mancipium sim tuum: ac proinde ad tibi parendum & obediendum obligatum.

Ex PRÆDICTIS licet colligere sex fines, siue præcipua motiua, ad quæ respiciamus: dum vota nostra offerimus. *Primum* est, vt excessu aliquo ostendamus amorem, quem erga Deum gerimus: & sic excessum amoris eius erga nos aliquo modo reddamus. *Secundum* est, propter gratitudinem tantum erabilium & maximorum beneficiorum, quæ in nos contulit. *Tertium*, vt omnino mundo & nobis ipsis moriamur tali morte, quæ plenam nobis adferat requiem. *Quartum*, vt preciosam in oculis Dei mortem consequamur, quæ transitus sit ad æternam vitam. *Quintum*, ad confirmandam amplius que perficiendam seruitutem, quam Deo alijs etiam titulis debemus. *Sextum*, vt fortius Deo nos adstringamus, eò quòd nos à vinculis solueret, quibus hostes nostri alligatos detinebant; nam quemadmodum clauus clauo pellitur, ita votorum vincula tollunt vitiorum ac passionum vincula, quæ ipsis aduersantur.

§. 2.

FACTA votorum oblatione, & præmissis quæ retulimus, audiamus quid David adiecerit. ait enim: *a tibi sacrificabo hostiam laudis, & nomen Domini inuocabo. Vota mea Domino reddā in cōspectu omnis populi eius: in a-* a Ps. 115. 17.
trius domus Domini, in medio tui, Ierusalem. Magnum latet mysterium in eo, quòd David eadem proposita repetat: omnia enim, quæ propter Diuina beneficia accepta reddimus, recentia reputantur beneficia; suoq; iure nouam repetant solutionem: quæ, dum redditur, nouum etiam est donum; ac nouum exigit gratitudinem: nihil enim *b Deo dare possumus, nisi quæ de manu eius* b 1. Par. 29. 14.
accepimus. Ex quo fit, vt non possumus animi gratitudinem in Deum Dominum nostrum ostendere ob ea, quæ ad suum obsequium nobis concedit: nisi necrum ac sapius bona opera repetamus, quæ ipsius causa facimus; ea mente & intentione, vt alia alijs reddamus; aut ostendamus gratitudinem propter donum, quòd in alijs præstandis ab eodem accepimus. Ideoq; ob acceptum beneficium, quò nos in Religionem admisit, & votorum oblationem accipiam: exhibenda sunt ea, quæ hic Psalmista insinuat.

PRIMUM

Spiritus li-
bertatem
Deus dat.

1. PRIMVM est offerre ei sacrificium laudis, glorificantes eum in hymnis, Psalmis, & Canticis; & infinitas gratias agentes, ob tantum fauorem operam dantes, vt cor & lingua sacrificium sui ipsorum offerant, & in tantum benefactoris laudibus nunquam deficiant: nam, eum beneficium sit perpetuum, par est, laudes esse perpetuas: vt cum Dauide dicamus, *e Benedicam tibi Domine in omni tempore semper laus eius in ore meo, in Domino laudabitur anima mea.* Quod si lingua defatigetur, ne tamen cor à laudibus cesset, quas Deus libenter audit, eisq; delectatur, iuxta illud Apostoli: *d loquimini vobismetipsos in Psalmis, & Hymnis, & Canticis spiritualibus, cantantes & psallentes in cordibus vestris Domino gratias agentes semper pro omnibus.*

2. HINC pergendum est ad secundum, ad *inuocandum* scilicet nomen Domini, orationibus petendo eius auxilium, ad ipsum pro meritis laudandis; & progrediendum in omnibus, quæ proposuimus ac promissimus. In qua re est quiddam singulare, ob immensam bonitatem ac liberalitatem Dei; adeoque ingens eius desiderium ad sua dona impertienda: quod quasi sollicitudinem & gratitudinem nostram reputet, quod humiliter ab ipso ea petamus, tantam fiduciam in eo reponentes, vt pro gratitudine prius nobis collatorum, & vt nos pro acceptis gratos exhibeamus, recencia ab ipso petere vellet existimemus.

EXPEDIT autem (ait Sanctus Basilius) hæc duo semper coniungenda, incipientes à Diuinis laudibus: ex quibus accipiamus titulos, vt nostræ orationes exaudiantur. Propterea enim dixit Dauid: *e laudans inuocabo Dominum & ab inimicis meis saluus ero:* Et hac ratione, quamuis oratio aliquæ pro se petat, non censetur ambitiosa, quasi proprium commodum quærat: siquidem petit, vt suo benefactori grata esse possit, & eundem proprijs ipsius donis laudare.

3. SED non debet spiritus hic laudum ad nos ipsos tantum arctari; sed ad omnes homines est extendendus, vt optemus: omnes eum laudare. Et in eum finem *inuocandum* est nomen Dei: quod, iuxta phrasin scripturæ, etiam significat eius magnalia publicare, ac prædicare, vt omnes eum laudent, & propter illa glorificent: iuxta illud Moysis: *f Nomen Domini inuocabo: ceteris omnibus: date magnificentiam & gloriam Deo nostro: quia Dei perfectæ sunt opera.* Quamuis enim occulta Dei dona, ac beneficia non sint publicanda propter superbiam vanamq; complacentiam timorem, quæ facile potest adhibere, & inficere: publica tamen, æquum est annunciare, ac prædicare: vt multi à nobis se adiugant in laudibus Deo reddendis propter bonitatem, quam communicando ostendit. Ac propterea dixit Saluator noster homini, à quo eiecerat legionem Dæmoniorum: vt *g narraret omnibus quanta sibi fecisset Deus.* Et Sanctus Paulus cōuersionem suam & gratias, fauoresque à Deo ac-

g Luc. 8. 39.

De Const. Monast. 6. 2.

e Psal. 17. 4.

Vide. Ia. hic

f Deus 32. 3.

ceptos publicabat: inuitans alios, vt simul eum ipso pium ad eò Dominum laudarent. Et Psalmista non contentus dicere: *Benedicam Dominum in omni tempore, semper laus eius in ore meo*, addit, quod omnibus dicebat: *magnificate Dominum mecum: & exaltemus nomen eius in idipsum*. Cùm igitur vocatio ad Religionem, & votorum oblatio, & statùs ipsius præstantia & amplitudo, publica sit, bene potest omnibus promulgari, eosq; inuitare, vt nos iuuent, Deum talia dona glorificare. Sed quoniã perfecta gratitudo nõ sistit in solis verbis adiecit David: *i vota mea Domino reddam in conspectu omnis populi eius: & in circuitu domus Domini, & in medio tui Ierusalem*. Quod duobus modis peragendum est: nempe, renouando, & confirmando vota ipsa priùs edita, cum eo spiritu & seruire, vt etiã priùs ea non emisisset, vellet nunc reuerã emittere. Et hac ratione orationis votorum renouatio est actus quidam ingentis meriti; ac quali recens in Religionem ingressus, confertq; multum ad ampliorem in eorum obseruatione confirmationem. & hanc ob causam constituit P. Nolter S. Ignatius, vt in Societate nostra bis in anno vota publicè renouentur, quæ in fine Tyrocinijs emittuntur: Fuitque admiranda pietas ac deuotio P. Nostri Iacobi Laynez, secundi Generalis eiusdem Societatis: qui quoties Missæ Sacram faciebat, cùm ipsum Sanctissimum Sacramentum in manibus communicaturus habebat, vota sua his verbis renouabat: *Placet quod promissi*. Quod ipsum fieri etiam potest spiritu gratitudinis: quamuis hic spiritus multo magis apparere debeat in implendis & custodiendis ipsis votis valde perfectè. Non enim est præstantior animi gratitudo ob acceptum à Domino beneficium, cùm ea nobis facienda inspirauit, & emissa admittit: quam quòd ea tanto spiritus seruire seruemus, & exequamur: vt omnes, qui id viderint, excitentur ad glorificandum Deum, à quo seruire ille procedit. Hac enim via & ratione illud obtinetur, quod dixit David: *k immola Deo sacrificium laudis, & redde Altissimo vota tua*. Et illud *Te decet Hymnus Deus, in Sion, & tibi reddatur votum in Ierusalem*: hoc enim sacrificium laudis honorificabit te, quamuis etiam cedat in utilitatem nostram. Qui enim perseverat in suis votis implendis in Ierusalem terrena, hoc est, in Ecclesia militante: fiet æternùm suorum votorum compos in cœlesti Ierusalem, hoc est, in Ecclesiâ triumphante.

(..)

h Psal. 33. 4.

4.
i Psal. 115. 18.
Vota a i-
quando re-
nouando.

5.

k Ps. 46. 14
l Psal. 64. 1.